

և անհաստատ են: Ըստ ամենայնի անվտանգության համարում Բողենշտէզտ ուսու պաշտօնեաների ընձեռած թուական տուեալները, որով և հասկանալի է դառնում այն խիստ վերապահութիւնը, որ մեր հեղինակը ցոյց է տալիս Կովկասին վերաբերող վիճակագրական տուեալներին: Ահա այն թիւերը, որ մենք զբողոքում ենք վերոյիշեալ հաստուածի մէջ.—

«Կովկասի արական բնակչութեան վերաբերող զանազան տուեալները», ասում է Բողենշտէզտ, «տարբերում են 1 եւ 1½ միլիոնի մէջ»:

«Երբ մենք,— շարունակում է նա,— իրար հետ բազմապատում ենք ծանօթ երկրամասերին (Կովկասի) վերաբերող կլոր թիւերը, որ զբողոքում են մեր առաջ, ստանում ենք հետեւեալ արդիւնքը.—

| | |
|---------------------------|---------|
| | Հոգի |
| Քարքվել (վրացական) ցեղեր՝ | 300,000 |
| Հայեր | 135,000 |
| Թուրք ցեղեր եւ պարսիկներ՝ | 350,000 |
| Լեզգիներ | 350,000 |
| Արխագ եւ չերքէզ ցեղեր՝ | 150,000 |

«Եթէ սրանց վրայ աւելացնելու լինինք նաեւ քիստ ցեղերին, օսերին, ինչպէս եւ ուրիշ՝ բոլորովին անծանօթ ցեղերի վերաբերող թիւերը, այդ պարագային իրականից բարձր չի ներկայացնի 1½ միլիոնը: Թէ բնակիչների ընդհանուր թիւը որպիսի ակնբախօրէն անընշան՝ համեմատութիւն է ներկայացնում երկրի մեծութեան հանդէպ, կարիք չկայ մինչեւ իսկ չեղտելու»:

Այժմ տեսնենք, թէ Բողենշտէզտ թուական ինչ մանրամասներ է մեզ հաղորդում հայրենեան մասին Կովկասի զանազան շրջաններում: Մեր ուշադրութիւնը գրաւում են նախ եւ առաջ «Հայկական Շրջան»ի (Երեւանի եւ Նախիջևանի նախկին խանութիւններ) վերաբերող թուերը:

«Կովկասի Ժողովուրդներ» աշխատութեան մէջ մի ուրիշ տեղ (էջ 160) ասելով, թէ «Ռուսաստանում ապրող հայերի քիւր հաշուում են մօտաւորապէս 400,000», եւ թէ՛ «Ռուսա-Հայաստանը բաժանում երկու երկրամասի (Distrikt), Բողենշտէզտ շարունակում է.

«Այդ երկրամասերից առաջինը՝ Երեւանի

երկրամասը¹²⁾ ունի 500 գիւղից աւելի եւ 70,000-80,000 բնակիչ: Այդտեղ ապրող քուրք ցեղերը, որոնք իրենց մօրուքը քինայով ներկելու սովորութիւնն ունենալու պատճառով Ղրղըլքաշ են կոչուում, այսինքն՝ Կարմրագլուխներ, կազմում են ազգաբնակչութեան գրեթէ կէսը: Այդ երկրամասի իշխող լեզուներն են քուրք-քարաքերէկը եւ աշխարհաբար հայերէնը, գրաբարի մի ազատուած բարբառը:

«Գլխաւոր քաղաքը՝ Երեւան, որ այդինքնի մէջ թաղուած եւ անկանոն շինուած մի քաղաք է, աններկայանալի տներով, ունի 7-8000 բնակիչ: Երեւանից ոչ հեռու գտնուում է Էջմիածնի հռչակաւոր վանքը: Երեւանի երկրամասին անմիջապէս սահմանակից է Նախիջևանի¹³⁾ երկրամասը՝ 194 գիւղերով ու մօտ 20,000 բնակիչներով, որոնց 2/3-ը թաթարներ — թիւրքեր — են, Շիա դաւանութեամբ: Այդ երկրամասը արեւելքից սահմանակից է Ղարաբաղին, իսկ հարաւ-արեւմուտքից Երասխ գետով բաժանուած է Պարսկաստանից:

Անցնինք «Հայկական Շրջան»ից դուրս գտնուող միւս դաւաններին.— Արեքսանտրոպոլի երկրամասը (Distrikt) քաղկացած է Փամբակ եւ Շորագեալ քարքարական գաւառակներից (Distanz) եւ պատկանում է վրաց — իմերէթեան նահանգին:

Սահմաններն են՝ արեւմուտքում տաճկական նահանգները, հիւսիսում եւ արեւելքում՝ Ախալցխայի փաշայութիւնը եւ Բորչալուի ու Ղազախի գաւառակները, իսկ հարաւում՝ Ռուսա-Հայաստանը: Գլխաւոր քաղաքը՝ Ալեքսանդրապոլ՝ իր նշանակութեամբ համապատասխան է, մօտաւորապէս, Շուշիին. ուսաների ձեռքն անցնելուց յետոյ գեղեցկացել է բազմաթիւ նոր շէնքերով»:

12) Յետագայի վարչական բաժանումը՝ Երեւանի նահանգի Երեւան, Էջմիածին, Սուրմալու, Նոր-Բայազիդ գաւառները եւ Շարուրի մէկ մասը: Բացի Շարուրից եւ Սուրմալուից՝ միւսները մտնում են Հայաստանի ներկայ սահմանների մէջ:

13) Յետագայի Երեւանի նահանգի Նախիջևանի գաւառը եւ Շարուրի մի մասը, որ ներկայիս կազմում է «Նախիջևանի ինքնավար շրջանը», եւ ենթակայ է Ադրբէջանին: